

CYNGOR TREF DINBYCH
Neuadd y Dref
Lôn Crown
DINBYCH
Sir Ddinbych
LL16 3TB



DENBIGH TOWN COUNCIL
Town Hall
Crown Lane
DENBIGH
Denbighshire
LL16 3TB

Ffôn: 01745 815984 Tel: 01745 815984

Clerc y Dref **Jenny Barlow** Town Clerk

e-bost: townclerk@denbightowncouncil.gov.uk e-mail

2 Rhagfyr 2020

At holl Gynghorwyr Cyngor Tref Dinbych

Annwyl Gynghorydd,

AGENDA - Cyfarfod Blynyddol

A fyddwch mor garedig â nodi y cynhelir cyfarfod nesaf y Cyngor **Dydd Mercher, 9 Rhagfyr 2020 am 6.30 o'r gloch.** - **Cyfarfod Zoom fydd hwn.** Rydych wedi eich galw i fynychu'r cyfarfod ac rwy'n fawr obeithio y byddwch yn gallu bod yn bresennol.

Jenny Barlow is inviting you to a scheduled Zoom meeting.

Topic: Denbigh Town Council

Wednesday 9th December 2020 at 6.30pm

Join Zoom Meeting

<https://us02web.zoom.us/j/3864083388?pwd=MkcxT0xmVTZiMENFc1FTYmxmZGF1QT09>

Meeting ID: 386 408 3388

Password: 815984

One tap mobile

02034815237,,3864083388#,,,0#,,815984# United Kingdom

02034815240,,3864083388#,,,0#,,815984# United Kingdom

Dial by your location

0203 481 5237 United Kingdom

0203 481 5240 United Kingdom

0203 901 7895 United Kingdom

0131 460 1196 United Kingdom

0203 051 2874 United Kingdom

Meeting ID: 386 408 3388

Password: 815984

Find your local number: <https://us02web.zoom.us/j/kKUTOBzb7>

Yn gywir,



Jenny Barlow
Clerc y Dref.

AGENDA

1. Gweddi Agoriadol – Y Parchedig Ganon Pauline Walker
2. Ymddiheuriadau.
3. Adroddiad Blynyddol y Maer: Y Cynghorydd Gaynor Wood-Tickle.
4. Cyflwyniadau gan y Maer y Cynghorydd Gaynor Wood-Tickle.
5. Ethol Maer am y Flwyddyn 2020-2021: Cynigir gan y Cynghorydd Catherine Jones ac yn cael ei eilio gan y Cynghorydd Rhys Thomas fod y Cynghorydd Gaynor Wood-Tickle yn cael ei hethol yn Faer am y Flwyddyn Ddinesig 2020 – 2021. Darllenir ac arwyddir Datganiad yn Derbyn y Swydd gan y Cynghorydd Gaynor Wood-Tickle, Clerc y Dref, y Cynigydd a'r Eilydd yn dystion.
6. Anerchiad y Maer: Y Cynghorydd Gaynor Wood-Tickle.
7. Ethol Dirprwy Faer: Cynigir gan y Cynghorydd Gaynor Wood-Tickle ac yn cael ei eilio gan y Cynghorydd Alyn Ashworth fod y Cynghorydd Rhys Thomas yn cael ei ethol yn Ddirprwy Faer am y Flwyddyn Ddinesig 2020-2021. Darllenir ac arwyddir Datganiad yn Derbyn y Swydd gan y Cynghorydd Rhys Thomas gyda Clerc y Dref, y Cynigydd a'r Eilydd yn dystion.
8. Adroddiad o Bresenoldeb Cynghorwyr am y flwyddyn 2019-2020.
9. Penodi Caplan y Maer am y Flwyddyn 2020-2021.
10. Cynllun Llesiant.
11. Y Fendith – Caplan y Maer. Y Parchedig Ganon Pauline Walker

Copi i'r holl Gynghorwyr Tref

Cynghorwyr Tref Dinbych Cofrestrau Presenoldeb
ar gyfer y Flwyddyn 2019-2020

Denbigh Town Councillors Attendance
for the Year 2019-2020

Cyng/Cllr	Presenoldeb/Attendance	%
Alyn Ashworth	33/36	92%
Dyfrig Berry	31/34	91%
Carla Hargreaves	1/1	100% (Newydd ei phenodi/Newly appointed)
Catherine Jones	31/36	86%
Gaynor Morgan Rees	28/34	82%
Rob Parkes	23/36	64%
Lara Pritchard	17/34	50%
Philip Stevens	20/34	59%
Glenn Swinger	16/34	47%
Rhys Thomas	31/35	89%
Roy Tickle	33/34	97%
Gaynor Wood-Tickle	36/36	100%



CYNGOR TREF DINBYCH

CYNLLUN LLESIANT

2019-2020

CYFLWYNIAD

Diben yr adroddiad hwn ydy hysbysu Trigolion Dinbych ynghylch gweithgareddau'r Cyngor Tref yn ystod cyfnod 2019-2020.

CYNGOR TREF DINBYCH

Ymysg aelodau'r Cyngor Tref mae 15 o gynghorwyr sy'n cynrychioli tair ward y dref: Y Ward Uchaf, Ganol ac Isaf. Mae 5 cynghorydd yn cynrychioli'r Ward Uchaf, 3 yn cynrychioli'r Ward Ganol a 7 yn cynrychioli'r Ward Isaf. Dengys adroddiad etholyddiaeth 2019 Cyngor Sir Ddinbych bod poblogaeth Dinbych yn 6,591 wedi'i rannu rhwng y wardiau fel a ganlyn:

Uchaf – 1,613

Canol – 1,474

Isaf – 3,504

Caiff pum cynghorydd sir eu hethol i gynrychioli Dinbych ar Gyngor Sir Ddinbych – 2 gynghorydd ar gyfer y Ward Uchaf (sy'n gyfrifol am gymuned Henllan hefyd), 1 cynghorydd ar gyfer y Ward Ganol a 2 gynghorydd ar gyfer y Ward Isaf. Mae dau gynghorydd sir hefyd yn aelodau o'r Cyngor Tref.

Caiff y Cyngor Tref ei weinyddu gan Glerc y Dref sydd hefyd yn Swyddog Cyllid a chanddo swyddfa yn Neuadd y Dref.

Mae'r Cyngor yn gweithredu fel Pwyllgorau – Cynllunio, Amgylchedd a Chyllid a'r Cyngor Llawn.

DATGANIAD CENHADAETH

Mae'r Cyngor Tref yn ymroi i wella ansawdd bywyd holl drigolion y dref. Mae'r Cyngor Tref yn cydnabod ei ddyletswydd i ddiwallu anghenion yr holl bobl sy'n byw a gweithio yn y dref a gwneud hynny mewn ffordd sy'n parchu hunaniaeth ddiwylliannol a chyfleoedd cyfartal.

Bydd y Cyngor Tref yn cydweithio gyda'r holl gyrff eraill, boed yn rhai statudol, cyhoeddus, preifat, gwirfoddol neu gymunedol er mwyn gwella ansawdd bywyd a llesiant eu cymuned ynghyd â hyrwyddo'r dref mewn ffordd weithgar a chadarnhaol.

Mae'r Cyngor Tref yn cyfarfod yn siambr y cyngor yn Neuadd y Dref tair gwaith y mis ac eithrio mis Awst. At hyn, mae nifer o is-bwyllgorau a grwpiau gwaith sy'n cyfarfod pryd a phan fo'n briodol.

PRIF DDYLETSWYDDAU'R CYNGOR

- Cynnig cefnogaeth ariannol a gweinyddol yn ymwneud â holl wasanaethau'r Cyngor Tref.
- Rheoli nifer o ddigwyddiadau blynyddol sy'n digwydd drwy gydol y flwyddyn yn Ninbych fel y digwyddiad Tân Gwyllt yng Nghastell Dinbych
- Gosod y goleuadau Nadolig yn y dref pob blwyddyn
- Cynnal a chadw ychydig o'r cysgodfannau bysiau
- Cynnal a chadw gerddi Dr Evan Pierce
- Rheoli'r Dyddiadur Teithiau Tywys
- Darlithoedd ar Dreftadaeth

Y SAITH NOD LLESIANT

Cymru lewyrchus.

Cymdeithas arloesol, gynhyrchiol a charbon isel sy'n cydnabod y terfynau sydd ar yr amgylchedd byd-eang ac sydd, o ganlyniad, yn defnyddio adnoddau mewn modd effeithlon a chymesur (gan gynnwys gweithredu ar newid yn yr hinsawdd); ac sy'n datblygu poblogaeth fedrus ac addysgedig mewn economi sy'n cynhyrchu cyfoeth ac yn cynnig cyfleoedd gwaith, gan ganiatáu i bobl fanteisio ar y cyfoeth gaiff ei gynhyrchu drwy achub ar y cyfle o waith addas.

Cymru gydnerth.

Cenedl sy'n cynnal ac yn gwella amgylchedd naturiol bioamrywiol gydag ecosystemau iach gweithredol sy'n cynnal cydnerthedd cymdeithasol, economaidd ac ecolegol ynghyd â'r gallu i addasu i newid (er enghraifft newid mewn hinsawdd).

Cymru iachach.

Cymdeithas lle mae llesiant corfforol a meddyliol pobl cystal â phosib a lle gaiff dewisiadau ac ymddygiadau sy'n fuddiol i iechyd yn y dyfodol eu deall.

Cymru sy'n fwy cyfartal.

Cymdeithas sy'n galluogi pobl i gyflawni hyd eithaf eu gallu waeth beth fo'u cefndir neu eu hamgylchiadau (gan gynnwys eu cefndir ac amgylchiadau cymdeithasol economaidd).

Cymru o gymunedau cydlynys.

Cymunedau atyniadol, hyfyw a diogel sydd â chysylltiadau da.

Cymru â diwylliant bywiog lle mae'r Gymraeg yn ffynnu.

Cymdeithas sy'n hyrwyddo ac yn gwarchod diwylliant, treftadaeth a'r Gymraeg ac sy'n annog pobl i gymryd rhan yn y celfyddydau, a chwaraeon a gweithgareddau hamdden.

Cymru sy'n gyfrifol ar lefel byd-eang.

Cenedl sydd, wrth iddi wneud unrhyw beth i wella llesiant economaidd, cymdeithasol, amgylcheddol a diwylliannol Cymru, yn ystyried gall weithred o'r fath gyfrannu'n gadarnhaol tuag at lesiant byd-eang.

CYMRU LEWYRCHUS

Mae tref Dinbych yn dref marchnad hanesyddol ac yn fan canolog ar-gyfer gwasanaethau proffesiynol a manwerthu fel cyfreithwyr, cyfrifwyr ac asiantaethau tai. Mae cyfanswm o 110 uned yng nghanol y dref a dim ond 18 ohonyn nhw oedd yn wag yn 2019. Cafodd unedau manwerthu newydd eu hadeiladu union islaw canol y dref yn natblygiad lard yr Orsaf, ac yn sgil hyn fe gafodd cyfleoedd gwaith newydd eu creu. Mae pob un o'r unedau wedi'u meddiannu erbyn hyn.

Mae stad ddiwydiannol Colomendy Dinbych yn ased allweddol gyda 115 o unedau yn cynnig llety i ystod o fentrau yn ymwneud ag adeiladu, manwerthu, telegyfathrebu, bwyd, storio, cysylltiadau cyhoeddus, hyfforddiant, iechyd a sectorau tai. Mae hefyd nifer sylweddol o gyfleoedd gwaith yn y sector cyhoeddus yn y dref yn sgil y swyddfeydd llywodraeth leol, Ysgol Uwchradd Dinbych a'r ganolfan hamdden, Ysgol Santes Ffraid, ysgolion cynradd, Llyfrgell Dinbych ac Ysbyty Cymunedol Dinbych.

Aeth yr asiantaeth tai, Grŵp Cynefin ati i ddatblygu HWB Dinbych, sef datblygiad sylweddol lle gall trigolion Dinbych a'r fro fanteisio ar ystod o wasanaethau cefnogi. Prif nod HWB Dinbych ydy cynyddu'r cyfleoedd hyfforddiant a gwaith yn lleol, ac fe gaiff hyn ei gyflawni drwy gydweithio'n agos gyda busnesau lleol, sefydlu mentrau hunangyflogaeth, datblygu cyfleoedd gyda mentrau lleol a chefnogi pobl ifanc i fynd rhagddi gydag addysg bellach.

Bydd Dinbych hefyd yn manteisio ar dwf economaidd o ganlyniad i'r 2 ddatblygiad Brwcws a hefyd mae cais cynllunio wedi'i gymeradwyo ar gyfer safle'r ysbyty gynt.

Mae cynrychiolwyr Cyngor Tref Dinbych yn aelodau o amryw gyrff ac mae'n nod gan y gyrff hynny i gynnig cynlluniau yn y dyfodol er mwyn hybu economi'r Dref. Ymysg y gyrff mae'r canlynol -

- Cylch Cyfeillgarwch Trefi Caerog Gogledd Cymru
- Gefeilliedig gyda Biebertal
- Grŵp dyfodol Neuadd y Dref
- HWB Dinbych
- Pwyllgor Cyswllt Dinbych
- Prosiect Ieuenctid Dinbych
- Masnach Deg

CYMRU GYDNERTH

Mae Cyngor Tref Dinbych yn ymroi i gynnal a chadw a gwella'r amgylchedd naturiol ac adeiledig er lles ein trigolion ac eraill. Byddwn bob amser yn gwneud pob ymdrech i gydymffurfio gydag Adran 6 (mae gan awdurdodau cyhoeddus, sy'n ymarfer unrhyw bwerau yn gysylltiedig â Chymru, ddyletswydd i gynnal a gwella bioamrywiaeth ynghyd â hybu gwydnwch ecosystemau... mae'n ymwneud â newid y ffordd rydym yn meddwl ynghylch gweithredu er lles bioamrywiaeth) wrth ymdrin â phob mater sy'n cyd-fynd â gweithredu ein pwerau fel cyngor. Byddwn yn ymroi i

gynnal gwaith effeithiol gyda phob mater yn ymwneud â'r amgylchedd ac wrth ymdrin â phob eiddo rydym yn berchen arnyn nhw neu'n eu rheoli.

Byddwn hefyd yn cynnig cefnogaeth ac arweiniad i'n partneriaid er mwyn codi ymwybyddiaeth ynghylch yr angen am gynladwyedd a bioamrywiaeth.

1. Fel cyngor, rydym eisoes yn ymroi i leihau ein defnydd o blastig un-defnydd.
2. Ar ffurflenni ceisio am grantiau, byddwn yn gofyn i fudiadau sy'n ceisio am gymorth grant gan y cyngor ddatgan sut maen nhw'n bwriadu lleihau eu defnydd o blastig un-defnydd, er mwyn cynhyrchu cyn lleied o wastraff na ellir ei ailgylchu â phosib a darparu blychau ailgylchu ar gyfer y cyhoedd ac arddangoswyr ymhob digwyddiad. Bydd gofyn i'r ymgeiswyr drafod sut maen nhw'n bwriadu gweithredu mewn ffordd sy'n ystyriol o'r amgylchedd.
3. Bydd y cyngor yn mynd rhagddi i gyfathrebu dros e-bost yn arferol wrth ymdrin â phob cynghorydd oni bai fod cynghorydd unigol yn gofyn am gopïau papur o fusnes y cyngor.
4. Byddwn yn hysbysu mudiadau partner fel Dinbych yn ei Blodau a Bodfari Environmental bod y cyngor yn disgwyl na chaiff unrhyw chwynladdwyr neu bryfleiddiaid diangen eu defnyddio ar dir y mae'r cyngor yn berchen arno neu'n ei reoli neu ar brosiectau wedi'u hariannu gan y cyngor.
5. Bydd y cyngor yn parhau i gydweithio gydag ysgolion lleol i'w hysbysu am fentrau amgylcheddol. Bydd y Cyngorwyr Tref sydd hefyd yn llywodraethwyr yr ysgol yn chwarae rhan bwysig o ran cyfathrebu rhwng cynghorau ysgol a'r Cyngor Tref.
6. Lle bo'r cyngor yn gyfrifol am dorri'r gwair, byddwn o bosib yn ystyried ymylon blodau gwyllt er mwyn annog a denu peilliaid.
7. Enghreifftiau o ddisgwyliadau'r cyngor. Dylid defnyddio compost heb fawn ynddo. Dylai unrhyw blanhigion fod yn ddiogel ar gyfer peilliaid. Ni ddylid defnyddio papur lapio na ellir ei ailgylchu. Dylai digwyddiadau wedi'u hariannu gan y Cyngor gynhyrchu cyn lleied o wastraff na ellir ei ailgylchu â phosib a dylid darparu blychau ailgylchu ar gyfer y cyhoedd, yr arddangoswyr a'r rheiny sy'n cynnal stondinau.
8. Bydd y cyngor yn annog busnesau lleol i fod yn fwy ymwybodol o'r angen i fabwysiadu ymarferion sy'n ystyriol o'r amgylchedd.
9. Darparwr Pensiynau'n buddsoddi mewn cwmnïau amgylcheddol – Ynni'r Haul

CYMRU IACHACH

Yn ddiweddar fe fuddsoddwyd yng nghyfleusterau hamdden yn yr ardal ac fel rhan o'r gwaith bu estyniad i'r ystafell ffitrwydd yng Nghanolfan Hamdden Dinbych fel bod digon o le i bobl yno gan ei fod o dan ei sang yn aml yn ystod yr amseroedd mwyaf prysur. Bydd y gofod ychwanegol yn fodd i'r ganolfan ehangu eu haelodaeth o 650 i dros 800. Daw'r buddsoddiad hwn yn dilyn agor stiwdio ymarfer newydd a gwaith adfer i ystafelloedd newid y pwll nofio ar ddiwedd 2016. Mae'r cyfleusterau hyn er budd yr aelodau cyffredinol ond am ben hyn mae nifer o glybiau a chymdeithasau yn manteisio arnyn nhw ynghyd â'r cynllun llwyddiannus i atgyfeirio cleifion i wneud ymarfer corff.

Mae Cyngor Tref Dinbych yn gyfrifol am reoli Teithiau Tywys Dinbych sydd ar ddydd Sadwrn a dydd Sul o fis Mai hyd at fis Medi pob blwyddyn. Mae ystod o dywyswyr sy'n meddu ar wybodaeth amrywiol yn barod i dywys trigolion yr ardal ac ymwelwyr o amgylch Dinbych. Mae Cyngor Tref Dinbych, ar y cyd â Grŵp Cynefin yn cynnal a chadw'r Parc Sglefrio yn y Parc Isaf.

Mae Cyngor Tref Dinbych yn ymroi i gefnogi grwpiau sy'n annog byw'n iachach. Ymysg y clybiau wnaeth elwa eleni mae—

- Clwb Bowlio'r Parc Isaf
- Pobl Hŷn ac Anabl Dinbych
- Sied Dynion Dinbych
- Cynnig
- Canolfan Gymunedol Eirianfa

CYMRU SY'N FWY CYFARTAL

Mae cyfraddau o bobl hŷn (dros 65) Dinbych yn debyg i'r cyfraddau yn y Sir yn ei chyfanrwydd gyda rhai rhannau (Dinbych Uchaf yn bennaf) yn gartref i bobl ieuengach ar y cyfan.

Daw cyfrannau fymryn yn uwch o boblogaeth Dinbych o gefndiroedd gwyn (oni bai am Brydeinig, Cymraeg, Saesneg, Albanaidd, neu o Ogledd Iwerddon), Asiaidd neu Asiaidd Prydeinig (yn enwedig Tsieineaidd) o gymharu â rhannau eraill y sir. Dydy'r rhain ddim yn uchel o gymharu ag ardaloedd yn Lloegr.

Mae'r Cyngor yn un o brif gefnogwyr Cyngor Ar Bopeth Sir Ddinbych yn Ninbych gan gyflwyno grant blynyddol iddyn nhw a chefnogi digwyddiad blynyddol Ailgylchu Dillad Ysgol Sir Ddinbych er mwyn cefnogi Trigolion Dinbych.

CYMRU O GYMUNEDAU CYDLYNYS

Mae Cyngor Tref Dinbych wrth wraidd nifer helaeth o wahanol ddigwyddiadau a gweithgareddau sy'n hybu ysbryd cymunedol a gwella cydlyniant cymunedol. Yn ystod y flwyddyn mae'n ffrainc gan y Maer fynychu digwyddiadau lleol gan nifer o wahanol fudiadau sy'n amlwg yn mwynhau croesawu arweinydd dinesig y Cyngor Tref i'w ymweld a'u cefnogi.

Mae grwpiau fel cynghorau'r ysgolion cynradd, geidiaid ac ati yn ymweld â Siambr y Cyngor er mwyn ceisio ennyn diddordeb y plant a phobl ifanc i ddod yn Gynghorwyr y dyfodol.

- Caiff baneri eu gosod o fis Mai-Medi er mwyn ychwanegu mymryn o liw at y strydoedd
- Gŵyl Ganol Haf
- Carnifal Dinbych
- Celf Flodeuog Dinbych
- Dydd Sul Dinesig y Maer
- Sioe Dinbych a Fflint

- Sioe Dinbych
- Drysau Agored
- Yr Ŵyl Gwrw
- Yr Ŵyl Eirin
- Digwyddiad Tân Gwyllt
- Sul y Cofio
- Goleuadau Nadolig
- Rholio'r Gasgen
- Cefnogi Digwyddiadau Dydd Gŵyl Dewi
- Dinbych yn ei Blodau
- Digwyddiadau Menter Iaith
- Gefeillio (Dwywaith y flwyddyn)
- Trefi Caerog, Rali Geir, Twrnamaint Golff a Bowllo

CYMRU Â DIWYLLIANT BYWIOG LLE MAE'R GYMRAEG YN FFYNNU

Mae ardal Dinbych yn gyfoeth o asedau treftadaeth sylweddol fel y safleoedd dan reolaeth CADW, Castell Dinbych, Mynachlog Dinbych a Waliau'r Dref. At hyn mae pensaernïaeth hanesyddol i'w weld ymhob man yn Nhref Dinbych ac fe allwch fwrw golwg arno fel rhan o'r cynllun drysau agored llwyddiannus. Mae toreth o Adeiladau Hanesyddol yn Ninbych ac mae oddeutu 220 ohonyn nhw'n adeiladau rhestredig. Mae Dinbych hefyd yn ganolfan diwylliannol allweddol i'r gymuned amaethyddol gyda bod y dref yn gartref i Sioe amaethyddol Dinbych a Fflint a Sioe Dinbych.

Mae 2775 o Siaradwyr Cymraeg dros 3 oed yn Ninbych, ac mae'r dref yn gartref i dros ddwywaith y cyfartaledd cenedlaethol o siaradwyr Cymraeg ymysg y boblogaeth o drigolion.

Yn 2014 bu i Ysgol Twm o'r Nant fynd rhagddi i gynnig addysg i fwy fyth o blant cynradd drwy gyfrwng y Gymraeg. Mae Dinbych hefyd yn cynnig gwersi Cymraeg i'r rheiny sy'n symud i'r dref yn hwyrach ymlaen yn eu bywydau gan gynnig addysg drochi i blant oedran cynradd fynd ati i siarad yr iaith.

Bu i Gyngor Tref Dinbych fabwysiadu deddf yr iaith Gymraeg. Mae cyfieithydd yn bresennol ymhob cyfarfod ac fe gaiff yr holl Agendâu, cofnodion a dogfennau eraill eu cyfieithu i'r Gymraeg. Mae gwefan Cyngor Tref Dinbych yn ddwyieithog hefyd.

CYMRU SY'N GYFRIFOL AR LEFEL FYD-EANG

Mae ystod o asedau a datblygiadau hanesyddol, diwylliannol ac amgylcheddol Dinbych yn gyfraniad teg tuag at ofalu fod Cymru'n wlad sy'n gyfrifol ar lefel fyd-eang. Byddwn yn rhoi egwyddorion cynladwyedd ar waith drwy gyflawni ein Cynllun Llesiant, Cynlluniau Datblygu ac Adfywio Lleol ynghyd â'n gwaith bioamrywiaeth a chadwraeth. Mae Cyngor Tref Dinbych hefyd yn cynnal cyfres o Ddarlithoedd Treftadaeth pob blwyddyn. Mae'r darlithoedd yn rhad ac am ddim ac mae croeso i unrhyw un o'r cyhoedd eu mynychu.